

Casa di Paul van der Sloot decepciona cu trocemento di noticia

Reportera local ta hala atencion di periodistanan Mericano



ORANJESTAD (AAN): Manera ta conoci despues di e detencion di Paul van der Sloot nos a mira con prensa a baha na cas di e famia van der Sloot unda solamente tabata tey Anita cu ta casa di Paul.

Naturalmene algun familiar y amigo a yega tambe pa duna e sosten na Anita e momento cu a caba di yega for di warda di polis unda nan a caba di detene.

Den combersacion cu Reportera di Exclusivo

Jackeline Suttle nos por a saca afor na su salida for di e cas di famia van der Sloot cu Anita ta basta rabia cu e cobertura di e prensa mericano dos dia prome na su cas.

Segun Anita, Prensa Mericano ta troce e berdad pasobra nan a pasa loke nan ta haya ta bon y no henter su declaracionnan cu e y su casa Paul a duna.

Cu otro palabra nan a troce su noticia y pasa loke cu nan

tabata kier manera cu ta net malo pa e famia.

Ora cu DIARIO tabata tey nos a topa cu Jackeline Suttle y net e momento ey e reportera di FOX Greta van Susteren a yega eyan y e famia no a lage drenta pa motibo di a keda decepciona cu e cobertura di FOX.

Aki Jackeline mes a muestra Greta cu nan manera di hiba e noticia no ta yudando cu nada y mas bien ta dunando Aruba cada biaha mas mal number cu tur e mentiranen.

Esaki tabata un discucion sano unda Greta a muestra cu si ta asina e ta lamenta e hecho. Ademas el a muestra cu no ta tur programa of noticia cu pasa ta di dje.

Tin mas noticiero of programa cu ta ser haci cual kizas un di nan por ta papia malo berdad di Aruba. Mescos tin e programa di Nancy Grave cu ta critica autoridad cu ta atendiendo e caso, pero nan no mester lubida cu FBI tambe ta aden. Cu otro palabra no ta autoridad local so bo ta critica, pero tambe esun di Merca..

Nos ta kere cu mas reportero mester cuminsa hala oreo di enan di prensa cu ta aki riba e isla y mustranan cu algo similar nunca antes a yega di pasa na lugar di bay cu nan filma den choller house y hanchi di di prostituta pasobra Merca tin mas lugar di prostitua cu Aruba.

Prensa ya caba tabata move riba e caso y ta lamenta cu un biaha mas ta protege un Hulandes, esta Paul van der Sloot mirando cu ta sconde tur manera pa prensa cu kier a filma of saca potret.